

ԿԸ ՓԱՌԱԽՈՐԵՄ ԱՆՈՒՆԴ ՍՈՒՐԲ

Գիշեր է... Բունըս չի տանում: Գիշեր է... սաստիկ ցուրտ գիշեր:

Երկնի զօրքի բազմութիւնը հիւր է եկել, մտել տունը,
Սուրբ Ծննդեան Աւետիսով, Ու խաբարել հոգիս, Բունս:

Իմ ձանձրացած կոպերի տակ
Տեսարաններ, տեսարաններ սիրուն ու տափ
Դեքսեմանի չֆնաղ պարտէզ, Զիբենեաց Լեռ, Յարութեան Տանար,
Կանա, Սիոն եւ Նազարէթ. «Յիսուսի Ծով»՝ Գալիլեա...
Սրբութիւններ ու մասունքներ, Պատարագներ հոգեզմայլ...

Վե՛ր կաց, պոետ... Ժամն է երգի,
Թող որ տիրի խաղաղութիւն անխախտելի,
Արդարութիւն չքեկանուող:
Վե՛ր կաց, պոետ... Սուրբ Ծննդեան այս գիշերը
Հոգու զուլալ բերկրանքներով
Պատմագրել մեզ խոստացիր
Հոգեմորոգ ուխտի մասին դէպ Սուրբ Երկիր:

Մայրամուտ էր Բերդեհէմում...
Գաղտնատեսիլ երեք մոգեր Արեւելի մութ երկնում
Լուսանաճանչ աստղը տեսան. հետեւեցին աստղի լոյսին.
Ապա՝ մսուրի մէջ ծնած տեսան խնկարուրող Յիսուսին՝
Կոյս Մարիամի խառնուրդը Սուրբ:
Ալէլուիա՛, Օրհնեալ է Ծնունդդ... Լոյս եղիցի...

Եւ... եղաւ լոյս... Ահա դարեր անց...
Ի՞նչ տօն է այստեղ: Այս ո՞ւմ ծնունդն են նշում, եւ այնպէ՛ս,
Որ ողջ աշխարհն է ցնծում ծփանքով:
Այս ի՞նչ Թագաւոր է - Ոսկէ թելերով
Դարերն է կարում Իրեն անունով:

Նա է... Յիսուսը՝ Արքայից Արքան
Դարերից եկել՝ Դարերն է գնում
Դարերի՛ն է իր անունը մնում...

Ալէլուիա...

ԼՈՒՍԻՆԷ ՄԱՐԱԲԵԱՆ